

इवनिंग डोगरी न्यूज़ बुलेटिन

समे 18:15 Hrs

Headlines

1. उपराश्ट्रपति होरें आखेआ जे पूरी दुनिया इसलै जंग दे खतरे हेठ ऐ ते इसदा हल छड़ा गल्लबात राएं गै निकली सकदा ऐ।
2. केन्द्री मंत्री राजनाथ सिंह होरें आखेआ जे पच्छिम एशिया पर होआ'रदे हमले छड़ा भारत लेई गै नेंई सगुआ पूरी दुनिया लेई चैंता दा कारण ना।
3. यात्रुएं दी भारी भीड़ गी दिक्खदे होई श्री माता वैष्णो देवी जी दी यात्रा दा पंजीकरण कल बडुलै तक्कर रोकी दिता गेआ ऐ।
4. जम्मू-कश्मीर च ईद-उल-फितर दा त्योहार पूरे जोश ते ज़ज्बे कन्नै मनाया मनाय गया।
5. ते जम्मू युनिवर्सिटी नै पोलिटिकल साईंस दे स्लेबस दी जांच लेई इक उच्च स्तरीय कमेटी दा गठन कीता।



VP Peace

उपराश्ट्रपति सी.पी. राधाकृष्णन होरें आखेआ जे युद्ध च शांति दा हल्ल छड़ा गल्लबात राएं गै होई सकदा ऐ। उ'नें एह गल्ल महाराश्ट्र दे नागपुर च महार्षि व्यास सभागार च भारतीय युवा संसद दे 29में राश्ट्रीय सत्र दी सभा गी सम्बोधित करदे होई आखी। उ'नें आखेआ जे तुंदी अपनी मातृभाषा छड़ी खेत्री भाषा नेंई सगुआं मौलिक भाशा ऐ।

चंडू दिनें दी इस युवा संसद दा विशे ऐ- भारतीय भाशा ते विकसित भारत-2047. उ'नें आखेआ जे युवा संसद असेंगी राश्ट्र बैहस करना सखांदी ऐ।

बक्ख-बक्ख दृष्टिकोण ते गल्लबात दे राएं मसलें हल कडुना सखांदी ऐ।



Rajnath Singh-Uttarakhand

केन्द्री रक्षामंत्री राजनाथ सिंह होरें आखेआ ऐ जे पूरी दुनिया इसलै संकट दे दौर थमां लडा'रदी ऐ- कीजे केंड्रियें थाहरें जंग आहलें हालात बने दे ना। उ'नें आखेआ इसलै पच्छिम एशिया पर होआ'रदे हमलें छडा भारत लेई गै चिंता दा कारण नेंई सगुआं पूरी दुनिया इनें'गी लेइयै चेंता च ऐ। पच्छिम एशिया च ऊर्जा ते खाद्य संकट दे खदशे बारे उ'नें आखेआ- प्रधानमंत्री नरेन्द्र मोदी हुंदी अगुआई तैहत मुलखै च इस चाल्ली दे संकटें दा कोई खदशा नेंई ऐ। श्री राजनाथ सिंह- उत्तराखंड च राज्य सरकार दे चंऊ बारे सबूरे होने पर हलदवानी च आयोजित इक प्रोग्राम गी सम्बोधित करा'रदे हे। श्री सिंह होरें आखेआ जे भारत नै इस मुद्दें पर अपना राँह भलेयां साफ रक्खे दा ऐ ते गल्लै-कत्थे दे ज़रिये ते कूटनीति राहें हल कडुया जाना लोडचदा।



Martyrdom Anniversary

अज्ज शहीद हवलदार राकेश कुमार हुंदा 17मां शहीदी ध्याडा ऐ। उनें'गी मरणोपरांत शौर्य चक्र कन्नै सम्मानित कीता गया हा। इस मौके पर साम्बा जिले च उन्दे जद्दी गां डडूई च शहादत ध्याडा मनाया गेआ। इस मौके पर साम्बा दे विधायक सुरजीत सिंह सलाथिया- Assistant कमीशनर- अजय भारती- सिविल समाज दे लोक ते शहीद दे परिवार आहले मौजूद हे। सेना दी स्थानीय युनिटें पारम्परिक गार्ड ऑफ ऑनर पेश कीता। शहीद दे परिवार आहलें च उंदे पिता रत्न चंद- वीरनारी रजनी देवी ते उंदी धीह दीक्षा भारती ते पुत्तर दीशांत भारती ते दुए रिश्तेदार- इलाके दे मन्ने दे नागरिक मौजूद हे- जिनें भरोची दियें अक्खियें कन्नै शहीद गी श्रद्धांजलि अर्पित कीती।



Vaishno Devi

कटरा च यात्रुएं दी बड़ी भारी भीड़ गी ध्यानै च रखदे होई श्री माता वैष्णो देवी जी दी पवित्र गुफा दे दर्शनें लेई यात्रा दा पंजीकरण आरजी तौरा पर कल बडुलै तक्कर रोकी दिता गोआ ऐ। यात्रुएं दी इन्नी भारी तादाद हफ्तें दे अखीरै आलियें छुट्टियें ते चेत्र नरातें करी आई ऐ। अधिकारियें दस्सेया जे यात्रा गी बाकायदगी कन्नै तोड़ चाढ़ने ते श्रद्धालुएं दी सुरक्षा ते सैहल आओ-जाई यकीनी करने लेई एह फैसला लैता गया ऐ। आधार शिविर कटरा च अजें बी ज्हारां बद्धे श्रद्धालू किट्टे होए दे न ते केंइयें थाहरें भीड़ बड़ी मती होई गेदी ऐ। प्रशासन नै श्रद्धालुएं गी सहयोग करने दी अपील कीती ऐ ते आखेआ जे ओ अपनी यात्रा दी योजना सोची-बचारियै बनान। उ'नें आखेआ जिसलै बी स्थिति सामान्य हुंदी ऐ उसलै गै पंजीकरण फही शुरु करी दिता जाग। यात्रुएं दी भारी भीड़ दे प्रबंधन लेई ते उन्दी सुविधा ते सुरक्षा लेई मुनासब इंतजाम कीते गेदे न।



Prog. Announcement

आकाशवाणी जम्मू दे क्षेत्रीय समाचार एकांश आसेआ औंदी 23 मार्च गी “शहीद दिवस-2026” दे मौके पर 25एं मिंटें दा इक विशेश कार्यक्रम प्रसारित कीता जाहग- जेहदा विशे होग “ शहीदें दी कदे मृत्यु नेंई हुंदी उन्दे आदर्श अमर हुंदे न”। इस विशेश कार्यक्रम दा प्रसारण दपैहरी 12 बजे कीता जाहग ते एहदे च स्थाड़े परौहने होडन- केन्द्रीय विश्वविद्याल जम्मू दे Assistant Professor Dr. Ravail Prihar - जेहड़े इस चर्चा राएं अपने माहिराना बचार सांझे करडन। इस कार्यक्रम दी मेजबानी आकाशवाणी दे न्यूज एंकर विजय बजाज आसेया कीती जाहग। इस चाल्ली दे होर प्रसारणें लेई सुनदे रवो आकाशवाणी समाचार जम्मू मीडियम वेब 303 मीटर यानि 990 किलो हर्टज ते एफ.एम 100 अशारिया 3 मेगा हर्टज पर।



Eid

रमदान दे पवित्र म्हीने दे समापन मगरा अज्ज पूरे जम्मू-कश्मीर च ईद-उल-फितर दा त्योहार पूरी मज़हबी अकीदत- जोश ते खुशी कन्नै मनाया गेआ। कल संजा शुब्वाल दा चन्न नजरीं आई गया हा- सख्त सुरक्षा प्रबंधें हेठ- ईदगारें ते मसीतें च बड्डे किट्टु दिखे गे- जित्थे लोकें अमन शांति लेई प्रार्थना कीती। जम्मू च मुख्ब किट्टु Residency रोड आहली ईदगाह च लगगा। मक्का मसीत भटिंठी ते जामिया मसीत तलाब खटीकां च ईद दी नमाज़ अदा करने लेई मती गिनतरी च लोक किट्टे होए। शाही ईमाम-मुफ्ती इनायतुल्ला काज़मी होरें आखेआ जे इक महीने दे रोजें मगरा ईद आभार प्रकट करने ते खुशी दा मौका ऐ। साम्बा च ईद दा त्योहार बडे जोश ते ज़ब्बे कन्नै मनाया गया- जित्थे लोकें राश्ट्री एकेऽ-अखंडता ते खुशहाली दी कामना कीती।

किश्तवाड़ च पूरे जिले च ईद दी वशेष नमाज़ अदा कीती गेई। मुख्ब किट्टु जामिया मस्जिद- किश्तवाड़ च लगगा।

राजौरी च ईदगाह मैदान च मते हारे अकीदतमंदे- सुरक्षा दे सख्त घेरे तैहत किट्टे रलियै नमाज़ अदा कीती। डी.सी. श्री अभिषेक शर्मा होरें लोकें गी ईद दियां शुभकामनां भेंट कीतियां।

पुंछ च ज्हारां बद्धे लोकें ईद दी नमाज़ अदा कीती। डिप्टी कमीशनर श्री अशोक कुमार शर्मा होरें लोकें गी ईद दे मौके पर शुभकामनां भेंट कीतियां।

उधमपुर च ईद दा त्योहार पूरे मज़हबी ज़ब्बे ते जोश कन्नै मनाया गेआ। इस सिलसिले च सब्बनें शा बड्डा किट्टु ईदगाह- आदर्श कालोनी- उधमपुर च लगगा- जित्थे ज्हारां बद्धे मुसलमान भ्राहें- ईद-उल-फितर दी नमाज़ अदा कीती। रामबन- डोडा- रियासी ते कठुआ जिले च बी ईद दा त्योहार रमानदारी ते खुशी कन्नै मनाया गया।

<><><><><><>

Kashmir

कश्मीर च ईद दे मौके उप्पर सारें कोला बड्डा कट्ट श्रीनगर दी हज़रतबल दरगाह च होआ ते कश्मीर दे बाकी जिलें च बी ईद शांति कन्नै मनाया गेआ। उपराज्यपाल मनोज सिन्हा ते मुख्मन्त्री उमर अब्दुल्ला होरें शांति-समृद्धि ते सौहार्द दी कामना करदे होई सारें गी ईद दी शुभकामनां दितियां।



Eid National

ईद-उल-फितर दा त्योहार पूरे मुल्खा च बड़ी धूमधाम ते उत्साह कन्नै मनाया गेआ। दिल्ली च ईद दे मौके उप्पर बड्डा किट्ट जामा मस्जिद- फतेहपुर मस्जिद ते शाही ईदगाह च होआ ते उत्थे सुरक्षा दे पुख्ता इंतजाम कीते गेदे हे। राष्ट्रपति द्रौपदी मुरमू होरें आखेआ जे एह त्योहार आत्मसंयम- दान ते करुणा दा प्रतीक ऐ। प्रधानमंत्री नरेन्द्र मोदी होरें बी देशवासियें गी ईद दी मुबारखबाद दिती ते सारें दी सेहत- खुशहाली ते समृद्धि दी कामना कीती।



JU Committee

जम्मू युनिवर्सिटी नै राजनीति विज्ञान दे सलेब्स दी जांच लेई इक उच्च स्तरीय कमेटी दा गठन कीता ऐ। Deam Academic Affairs दे दफ्तर आसेआ जारी इक हुक्म मुजब इस कमेटी दी अगुआई संयोजक दे तौरा उप्पर प्रो. नरेश पाधा होर करगंन ते इस कमेटी च Philosophy- History ते Sociology दे विभाग अध्यक्ष दे इलावा DSRS दे डायरेक्टर बी शामिल न- जिंदे च Assistance Registrar (Academic Affairs) Member Secretary दे तौरा उप्पर कम्म करगंन। कमेटी गी इस मुद्दे गी पूरी चाल्ली समीक्षा करने ते तौले थमां तौले अपनी रिपोर्ट पेश करने लेई आखेआ गेआ ऐ। एह मुद्दा उसले सामने आया जिसलै किश विद्यार्थि संगठनें जम्मू युनिवर्सिटी च विरोध-प्रदर्शन कीता- जेहदे च पाकिस्तान दे साबका राष्ट्रपति महोम्मद अली

जिन्ना दे बारे च छप्पे दे इक अध्याय गी वापस लैने दी मंग कीती गई ही- जेहदा NEP-2020 दे तैहत Political Science दे Post graduation दे Revised Syllabus च शामिल कीता गेआ हा।



Forest Day

अंतराष्ट्रीय जंगलात दिवस दे मौके उप्पर केन्द्री पर्यावरण- जंगलात ते जलवायु परिवर्तन मंत्री भूपेन्द्र यादव होरें देसै दे नागरिकें गी आखेआ ऐ जे ओ जंगलें दी रक्षा करने दी संगंध लैन। अपने इक सोशल मीडिया पोस्ट च मंत्री होरें आखेआ जे जंगल असेंगी जीवन दिंदे न- इनेंगी बचाना लोडचदा। संयुक्त राष्ट्र महासभा ने बरे 2012 च 21 मार्च गी अंतराष्ट्रीय जंगलात दिवस घोशित कीता हा। किशतवाड़ दी जंगलात डिविजन नै बी अंतराष्ट्रीय जंगलात दिवस मनाया। इस दरान इक कार्यक्रम दा आयोजन कीता गेआ। कार्यक्रम दा विशे हा- “जंगल ते अर्थव्यवस्था”। कार्यक्रम च जैव विविधता च जंगलें दी भूमिका उप्पर लौऽ पाई गई। उधमपुर च इस मौके पर जंगलात मैहकमे आसेया नगरवन जखैहनी च बड्डे पैमाने पर वृक्षारोपण अभियान दा सरिस्ता कीता गेआ। इस आयोजन दा मकसद पर्यावरण बारे जागरुकता फैलाना ते कुदरती संसाधनें गी बचाने दे महत्व गी उजागर करना हा। इस कार्यक्रम दा उदघाटन उधमपुर दे Range Officer Ayush Gupta होरें कीता।



Sheep Husbandry

रामबन दे भिड्डु पालन मैहकमे दा मकसद बक्ख-बक्ख गतिविधियें राएं ग्रामीण आजीविका च सुधार आनना ऐ- जिंदे च पशुएं दी सेहत दिक्खभाल उपलब्ध करोआना ते भिड्डु- बकरी इकाइयें गी स्थापत करने आस्तै एकीकृत भिड्डू विकास योजना जनेही सब्सिडी आहली योजनाएं गी लागू करना शामिल ऐ। मैहकमा पशुएं दी सेहत गी यकीनी बनाने लेई Bacterial, वायरल बमारियें ते कीडे थमां मुक्त करने लेई टीकाकरण करने दा कम्म करदा ऐ- जेह Vaccination करने कन्नै पशुएं गी इनें बमारी थमां दूर रक्खेआ जाई सकै।

